

# CLARISSIMO EI-

DEMQUE DOCTISSIMO VIRO

PHILIPPO BVCHAMERO, REVEREN-

dissimi domini D. Alberti Cardinalis & Archiepi  
scopi Moguntini Medico, Ioannes  
Sichardus.



**R**AE TER multas, easq; nec obscuras quidem, nec ita  
paruas summa cum benevolentia, tum uoluntatis erga me  
tuae significatione, ornatissime uir, cum non desinas me apud  
ALBERTVM Reuerendissimū Cardinalem, eundemq;  
clementissimū principem patronum meum & uerbis quā  
potest fieri honorificentissimis cohonestare, & tuis subinde  
muneribus ornare, efficis planē ut quo me uertam nesciam:  
dum identidem dispicio, qua in re si non beneficiorū in me tuorum cumulum,  
hoc saltem assequar, quod bona interdum nomina solent: ut scilicet dum soluendo  
non sum, uel ingenua debiti professione non feram tacitum, quantū tibi uiro  
inter eruditissimos optimo, inter optimos uero etiam eruditissimo debeam. Cui  
rei documēto uelim sit haec qualiscunq; inscriptio: Neq; enim memoria excidit,  
quā tu grauitur uereq;, si quis nos casus in eum sermonem adduxisset, queri  
soleres, nullam studiorum partem aequae nostrae tempestate iacere, ac eam ipsam  
quā olim cum maximis praesidijs, tum summis ingenijs excultam, nisi deus alius  
quis rebus humanis iniquior inuidisset, non esset cur tanto negotio disceremus,  
& experimēta per mortes, ut ille dicit, caperemus, impudentissimorū interim cir-  
culatorū personas induentes, qui cū diu nihil scire didicerimus, tandem audacia  
pro sapientia usi, carnificinā quandam uerius, quā medicinam in uita cōmuni  
exerceamus. Nam sic ferē comparatum est, ut quo quidq; ad uitam mortalium  
plus adferat adiumenti, hoc capitalius obsit, si aut parum rite tractetur, aut alio  
quā institutum est modo. Nunc quis ulla religione ad hoc opus accedit? aut  
quotus demum quisque ex ipsis fontibus haurit? Imō, ut apertius dicam, quid  
huius rei omnino reliquum est dignum lectu, quod non palam ausis cum negli-  
gentia, tum & inscitia damnare? Nisi unum dicas Hippocratem, aut Galenum  
ex Graecis, Latinis uero Cor: Cellsum & Plinium. Quos tamen sic legunt ple-  
riq;, tanquam plus allaturos momenti eloquentiae studioso, quā ei qui sit rei  
medicæ destinatus. In Plinio uero audent etiā nihil dissimulantes in ore habere  
tragicum illud: o cælum, o terra. Cum quibus non admodum contenderim,  
qui repertis frugibus malint tamen cum Gryllo in glandium usu consensescere.  
Hoc uero subit mirari, qui fiat ut tam grauate in medicorū album recipiant, ut  
quosq; uiderint terribissime locutos, eamq; ob causam numero eximant, qua uel  
imprimis digni fuerant, mea sententia, ut locū acciperent. Quod si aliquo pacto  
possent ab interitu reuocari Diocles, Asclepiades, Euryphon, Demetrii Appa-  
meus & Attaleus, Democritus, Erasistratus, Chrysippus, Empedocles, Ze-  
non, Erophilus, Asclepius, Antipater, Heraclides Tarentinus, Menecrates,  
Praxagoras, Mnaseas, Herodicus, Milesius, Parmenides, Niceratus, Themis-  
son, Proculus, Soranus, Serapion, Apollonij Memphites Citiensis & Glau-  
cus, Philistion, Thessalus, Tryphon, Socrates, Nicander, Philotimus, Lusius,  
Euenor, Cassius, Clodius, Bachius, Silimachus, quos ferē autores habet Cælius  
Aurelianus,

